



Kolegji AAB

RREGULLORE PËR GRANTE

Në bazë të nenit 33 të Statutit, nenit 4 të Rregullores së Punës të Këshillit Drejtues, Këshilli Drejtues në mbledhjen e mbajtur me datën 15.12.2021 miraton këtë:

RREGULLORE PËR GRANTE

Dispozita të Përgjithshme

Neni 1

Qëllimi

1. Qëllimi i kësaj rregullore është mbështetja e punës kërkimore dhe shkencore/artistike të stafit të rregullt akademik të Kolegjit AAB përmes granteve dhe mbështetjes financiare.
2. Kjo rregullore përcakton kriteret për përfitimin e granteve dhe të mbështetjes financiare të punës kërkimore dhe shkencore/artistike të stafit të rregullt akademik.

Neni 2

2. Në kuptim të kësaj rregullore, puna kërkimore dhe shkencore/artistike e stafit të rregullt akademik e cila mbështetet financiarisht është:
 - pjesëmarrja në konferenca të karakterit shkencor/artistik;
 - pjesëmarrja në simpoziume të karakterit shkencor/artistik;
 - publikimi i punimeve shkencore/artistike në data bazë të njohura shkencore/artistike;

Neni 3

1. Të drejtë aplikimi për grante dhe mbështetje financiare për punën kërkimore dhe shkencore/artistike kanë gjithë stafi i rregullt akademik i Kolegjit AAB.
2. Procedura e dhënies së granteve apo financimit të punës kërkimore dhe shkencore/artistike bëhet në bazë të kërkesës së stafit të rregullt akademik.
3. Stafi i rregullt akademik mund të jetë përfitues i granteve apo mbështetjes financiare, dy herë brenda vitit kalendarik.

Neni 4

Grantet për publikime shkencore

1. Publikimet shkencore të ranguara në Clarivate Analytics (Web of Science) në koleksionin bërthamë (SCIE, SSCI dhe AHCI) apo SCOPUS, duke përjashtuar revistat e dyshimta, financohen si në vijim:

1.1. kur stafi i rregullt akademik publikon si autor i vetëm, mësimdhënësi përfiton shumën në vlerë 700 EUR;

1.2. kur në një publikim janë më shumë se një autorë, atëherë shuma e financimit të publikimit është në vlerë 1000 EUR, dhe atë autori i parë përfiton shumën në vlerë 800 EUR ndërsa autori korrespondent përfiton shumën në vlerë 200 EUR.

2. Paragraf 1.2. i këtij neni aplikohet vetëm në rastin kur autori i parë dhe autori korrespondent janë staf i brendshëm akademik i Kolegjit AAB.

Neni 5

Mbështetja Financiare për pjesëmarrje në konferenca

1. Shpenzimet për pjesëmarrje në konferenca të karakterit shkencore/artistik, kongrese, simpoziume dhe ngjarje artistike ndërkombëtare, mbulohen financiarisht deri në shumën 200 EUR.

2. Pjesëmarrja e stafit të rregullt akademik në aktivitetet e mësipërme duhet të korrespondojë me fushën e tij të specializimit.

Neni 6

Kriteret për përfitim

1. Kriteret për përfitim të grantit për publikime shkencore janë:

1.1. të jetë staf i rregullt akademik i Kolegjit AAB;

1.2. të dëshmojë publikimin e realizuar përmes emrit të revistës, titullit të punimit dhe linkut të punimit të publikuar;

1.3. të ketë përkatësinë (affiliation) e punimit te Kolegji AAB;

1.4. të jetë autor i parë apo korrespondent;

2. Kriteret për mbështetje financiare për konferenca janë:

2.1. të dëshmojë miratimin e abstraktit dhe pagesën e tarifës së konferencës (Conference Fee);

2.2. të jetë konferencë ndërkombëtare, duke përjashtuar konferencat rajonale;

2.3. të jetë konferencë akademike të organizuara nga institucione arsimore apo kërkimore;

3. Dokumentacioni për aplikim duhet të plotësohet sipas formularëve të aprovuar nga Komisioni Qendror për grante dhe mbështetje financiare. Dokumentacioni i pakompletuar i kthehet stafit të rregullt akademik për plotësim.

Neni 7

Komisioni Qendror për Grante dhe Mbështetje Financiare

1. Komisioni qendror për grante dhe mbështetje financiare përbëhet nga 3 anëtarë me të drejtë vote si në vijim:

- 1.1. Prorektor për Kërkimor Shkencor, Kryesues i komisionit
- 1.2. Dekani i Fakultetit përkatës dhe
- 1.3. Prorektori për Zhvillim dhe Financa

2. Prorektori për Kërkim Shkencor dhe Prorektori për Zhvillim dhe Financa janë anëtarë të përhershëm të komisionit, ndërsa dekani i fakultetit ndërrohet sipas kërkesave që vijnë nga profesorët dhe fusha e tyre e studimit.

3. Vendimet e Komisionit qendror për grante dhe mbështetje financiare merren me shumicë votash.

4. Komisioni në të gjitha rastet duhet t'i përgjigjet kërkesës me miratimin apo refuzimin e saj.

5. Në rastet kur kërkesa refuzohet, atëherë vendimi i komisionit duhet të jetë i arsyetuar.

6. Komisioni qendror obligohet që brenda tridhjetë (30) ditësh nga dita e pranimi të kërkesës të marrë vendimin përfundimtar, ose nëse i nevojiten informata shtesë për revistën, konferencën shkencore etj, atëherë tridhjetë (30) ditë nga pranimi i informatës së fundit.

7. Vendimet e Komisionit qendror për grante dhe mbështetje financiare janë publike.

Neni 8

Komisioni qendror themelon një bazë të të dhënave në të cilën do të evidentohen të gjitha grantet dhe mbështetjet financiare të aprovuara apo refuzuara.

Neni 9

1. Në rastet e refuzimit të kërkesës për grante apo mbështetje financiare, stafi i rregullt akademik ka të drejtë të kërkojë rishqyrtimin e vendimin të Komisionit qendror.

2. Vendimi i Komisionit qendror për rishqyrtim të ankesës është përfundimtar.

Dispozitat Kalimtare

Neni 10

Në rast se dispozitat e kësaj Rregullore bien ndesh me dispozitat e Statutit, përparësi kanë dispozitat e Statutit.

Neni 11

Ndryshimi i kësaj rregullore mund të bëhet sipas procedurës së njëjtë të miratimit të saj.

Neni 12

Rregullorja hyn në fuqi pas aprovimit nga Këshilli Drejtues dhe nënshkrimit nga Kryetari i Këshillit Drejtues.


Prof. Ass. Dr. Lulzim Tafa,
Kryetar i Këshillit Drejtues



Prishtinë 2021



Kolegji AAB

Rr. "Elez Berisha", nr. 56, Zona Industriale
Prishtinë-Fushë Kosovë, 10000 Prishtinë,
Republika e Kosovës,
Tel: +383 38 600 005; +383 45 284 797
Mail: info@aab-edu.net;
www.aab-edu.net

Ref. nr. 1288 /2021 Prishtinë, 15 /12/ 2021/


Në bazë të nenit 33 të Statutit, nenit 4 të Rregullores së Punës të Këshillit Drejtues, Këshilli Drejtues, merr këtë:

V E N D I M

I. MIRATOHET Rregullorja për Grante.

Një kopje e vendimit:

për: Rektorin
për: Prorektorët
për: Sekretarin
për: Arkivin


Prof. Ass. Dr. Lulzim Tafa,
Kryetar i Këshillit Drejtues

